



3^{ZA} SESSIONE STRASURDINARIA DI U 2026
29 DI MAGHJU DI U 2026
3ÈME SESSION EXTRAORDINAIRE DE 2026
29 MAI 2026

N° 2026/E3/025

**Question orale déposée par M. Jean-Noël PROFIZI
au nom du groupe « Core in Fronte »**

OBJET : DIALOGU VERU O RIPRISSIONI

Sgiò Pridenti,

Quandu di frivaghju di u 2025, hè vinutu u Ministru francesu di a ghjustizia, u sgiò Darmanin, ci ha annunciatu a fini di certi misuri riprissivi, particularmenti u « Fijait », si pò dì chi andaia in un bon' sensu.

D'altrondi, i discussioni tra rapprisentanti d'associ di sustegnu è di difesa di patriotti parsiguitati è anziani incarcierati hani parmissu di pona l'insembu di i prublemi (« Finiada », amendi, ecc...) chi u ministru ha ascultatu incù attinzioni

Ugnunu avarà capitu chi in sti mumenti di pussibili evoluzioni stituziunali, u governu pò accompagnà incù forza pulitica st'andatura mittindu da cantu i logichi riprissivi.

Mesi e mesi dopu, a situazioni annant'à stu puntu ci pari sempri bughja.

Par ciò chi tocc'à u « Fijait », l'affari un sò tutti chjari.

Par ciò chi tocc'à u « Finiada », s'hè vistu militanti sfrancati d'issu cartulari, ma oramai missi sott'à un'altra misura ditta di « sicurezza interna ».

Par ciò chi tocc'à l'amendi un s'hè intesu nudda.

In u fratempu, ghjovani corsi sò stati dinò intarpillati e altri incarcierati alluntanati à posta da u so paesu.

Infini pocu tempu fa, sò stati scuparti nant'à vitturi di militanti pulitichi è di sindacalisti matiriali electronicu di surviglianza, ciò chi custituisci un attacc'à i libartà.

L'emu sempri sottuliniata, ùn si pò cuncipì dialogu puliticu sottu à a prissioni riprissiva.

U guvernu francesu devi piantà sta riprissioni chì ci sò altri e gravissimi prublemi in Corsica ch'iddu ha pruvucatu iddu stessu incù i so cumbriculi incù à mamaïa è i barbuzi.

Seti pronti in u quadru di i dibattiti privisti nant'à l'evoluzioni stituziunali, à fà senta e valè à u guvernu francesu, sta vulintà di metta fini à tutti sti misuri riprissivi chi toccani u Muvimentu Naziunali e chi hani par scopu d'ammutulì lu ?

Vi ringraziemu